



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Geschichte der geistlichen Stiftungen, der adlichen Familien, so wie der Städte und Burgen der Mark Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1847**

CCXXXV. Befehl des Bischofs Ludwig zu Brandenburg, daß Alle, welche beim Tode des erschlagenen Propstes von Bernau interessiren, nach Brandenburg zur Wahrnehmung ihrer Rechte citirt werden sollen, ...

[urn:nbn:de:hbz:466:1-54048](https://nbn-resolving.org/urn:nbn:de:hbz:466:1-54048)

**CCXXXV.** Befehl des Bischofs Ludwig zu Brandenburg, daß Alle, welche beim Tode des erschlagenen Probstes von Bernau interessiren, nach Brandenburg zur Wahrnehmung ihrer Rechte citirt werden sollen, vom 20. Mai 1346.

Ludovicus, Dei gratia Brandenburgensis Ecclesie Episcopus, discretis viris noue et antique civitatis Brandenburgensis Ecclesiarum Rectoribus seu presbyteris, vel eorum vices gerentibus salutem et sinceram in domino caritatem. Literas sanctissimi in Christo patris Domini Clementis Pape VI. recepimus, que sic incipiunt. Clemens Episcopus Servus Servorum Dei, Venerabili Patri Ludouico Episcopo Brandenburgensi salutem et apostolicam benedictionem. Exhibita nobis pro parte vniuersitatis hominum et mulierum Berlin et Cöln oppidorum, Brandenburgensis dioecesis, petitio continebat etc. Et sic finiunt datum Avinion Kal. Julii, pontificatus nostri anno tertio. Quarum literarum copiam vobis volumus et mandamus exhiberi, vt melius possitis exequi, quod mandamus. Volentes igitur rite et absque prejudicio cuiuslibet, in dicto negotio nobis in dictis literis apostolicis commisso procedere vobis et cuiuslibet vestrum districte precipiendo mandamus, quatenus in ecclesiis parochialibus dictarum civitatum Brandenburgensis dioecesis, Dominica qua cantatur Vocem iucunditatis coram populo hujusmodi commissionem vel mandatum apostolicum vobis factum publicetis, citetis omnes et singulos, qui sua crediderint interesse et quos tangit negotium supradictum, in dictis literis apostolicis contentum, vt in crastino festi corporis Christi proxime nunc instantis compareant et veniant coram nobis Brandenburg si nos ibidem sumus illa die vel coram Domino preposito Brandenburgensi, quibus in solidum in hac parte quantum possumus commisimus et presentibus committimus vices nostras, ad videndum, procedendum in hujusmodi negotio absolutionis nobis scripto et commisso et ad docendum de suo interesse si poterunt et debebunt, quoniam parati sumus eos audire et facere eis, quicquid de jure fuerit arbitrandum et faciendum. Alioquin in dicto negotio nobis commisso et ad absolutionem procedemus juxta scriptam a sede apostolica nobis formam, iustitia mediante. Presentem literam vestris sigillis sigilletis in signum publicationis et citationis per vos facte. Datum Seygefere, anno Domini M<sup>o</sup>. CCCXLVI<sup>o</sup>. sabato ante Dominicam qua cantatur vocem iucunditatis.

*Hibicin's Beiträge, Theil IV, 28.*

**CCXXXVI.** Notariatsinstrument, daß in den Kirchen zu Brandenburg auf Befehl des Bischofs Ludwig von Brandenburg ein Jeder, welcher beim Tode des Probstes von Bernau interessirt, zum Freitage nach dem Trohnsleichnamstage nach Brandenburg citirt sei, um seine Rechte daselbst vor dem Bischofe darzuthun, vom 21. Mai 1346.

In nomine domini Amen. Anno a nativitate ejusdem Millesimo CCC<sup>o</sup>. XLVI<sup>o</sup>. indictione XIV. Pontificatus Sanctissimi Patris domini Clementis Pape VI. anno quarto, mense May, die dominica qua cantatur Vocem iucunditatis, in ecclesia parochiali antique civitatis Brandenburg constitutus dominus Mathias discretus vir Capellanus seu vicegerens domini Thiderici, veri Rectoris Ecclesie predictae, infra missarum solemniam coram me Notario publico infra scripto, et multitudine hominum tam virorum quam mulierum copiosa, de mandato Reverendi patris domini Ludewici Episcopi Bran-